

ऋषिः अगस्त्यः मैत्रावरुणिः

छन्दः जगती 1-13, त्रिष्टुप् 14-15

देवता मरुतः

तन्नृ वोचाम रभसाय जन्मने पूर्वं महित्वं वृषभस्य केतवे	
ऐधेव यामन्मरुतस्तुविष्वणो युधेवं शक्रास्तविषाणि कर्तन	॥ 1 ॥
नित्यं न सूनुं मधु बिभ्रत् उप क्रीळन्ति क्रीळा विदथेषु घृष्वयः	
नक्षन्ति रुद्रा अर्वसा नमस्विनं न मर्धन्ति स्वतवसो हविष्कृतम्	॥ 2 ॥
यस्मा ऊमासो अमृता अरासत रायस्योषं च हविषा ददाशुषे	
उक्षन्त्यस्मै मरुतो हिताइव पुरू रजांसि पर्यसा मयोभुवः	॥ 3 ॥
आ ये रजांसि तविषीभिरव्यत् प्र व एवासः स्वयतासो अध्रजन्	
भयन्ते विश्वा भुवनानि हर्म्या चित्रो वो यामः प्रयतास्वृष्टिषु	॥ 4 ॥
यत्त्वेषयामा नदयन्त पर्वतान्दिवो वा पृष्ठं नर्या अचुच्यवुः	
विश्वो वो अज्मन्भयते वनस्पती रथीयन्तीव प्र जिहीत् ओषधिः	॥ 5 ॥
यूयं न उग्रा मरुतः सुचेतुनारिष्टग्रामाः सुमतिं पिपर्तन	
यत्रा वो दिद्युद्रदति क्रिविदती रिणाति पश्वः सुधितेव बर्हणा	॥ 6 ॥
प्र स्कम्भदैष्णा अनवभ्रराधसोऽलातृणासो विदथेषु सुष्टृताः	
अर्चन्त्यर्क मंदिरस्य पीतये विदुर्वीरस्य प्रथमानि पौस्या	॥ 7 ॥
शतभुजिभिस्तमभिहृतेरघात्पूभी रक्षता मरुतो यमावत	
जनं यमुग्रास्तवसो विरष्णिनः पाथना शंसात्तनयस्य पुष्टिषु	॥ 8 ॥
विश्वानि भद्रा मरुतो रथेषु वो मिथस्पृध्येव तविषाण्याहिता	
अंसेष्वा वः प्रपथेषु खादयोऽक्षो वश्चक्रा समया वि वावृते	॥ 9 ॥
भूरीणि भद्रा नर्येषु बाहुषु वक्षःसु रुक्मा रभसासो अञ्जयः	
अंसेष्वेताः पविषु क्षुरा अधि वयो न पक्षान्व्यनु श्रियो धिरे	॥ 10 ॥
महान्तो म्हा विभ्वोर् विभूतयो दूरेदृशो ये दिव्या इव स्तृभिः	
मन्द्राः सुजिह्वाः स्वरितार आसभिः संमिश्ला इन्द्रे मरुतः परिष्टुभः	॥ 11 ॥
तद्वः सुजाता मरुतो महित्वनं दीर्घं वो दात्रमदितेरिव व्रतम्	
इन्द्रश्चन त्यजसा वि हुणाति तज्जनाय यस्मै सुकृते अराध्वम्	॥ 12 ॥
तद्वो जामित्वं मरुतः परे युगे पुरू यच्छंसममृतासु आवत	
अया धिया मनवे श्रुष्टिमाव्या साकं नरो दुंसनैरा चिकित्रिरे	॥ 13 ॥
येन दीर्घं मरुतः शूशवाम युष्माकेन परीणसा तुरासः	
आ यत्तनन्वृजने जनास एभिर्यज्ञेभिस्तदुभीष्टिमश्याम्	॥ 14 ॥

एष वः स्तोमो मरुत इयं गीर्मान्दार्यस्य मान्यस्य कारोः

एषा यासीष्ट तन्वे वयां विद्यामेषं वृजनं जीरदानुम्

॥ 15 ॥

(11)

167

(म.1, अनु.23)

ऋषिः अगस्त्यः मैत्रावरुणिः

छन्दः त्रिष्टुप्

देवता इन्द्रः 1, मरुतः 2-11

सहस्रं त इन्द्रोतयो नः सहस्रमिषो हरिवो गूर्ततमाः

सहस्रं रायो मादयध्वै सहस्रिण उप नो यन्तु वाजाः

॥ 1 ॥

आ नोऽवोभिर्मरुतो यान्त्वच्छ ज्येष्ठैभिर्वा बृहद्विवैः सुमायाः

अध यदैषां नियुतः परमाः समुद्रस्य चिद्धनयन्त पारे

॥ 2 ॥

मिम्यक्ष येषु सुधिता घृताची हिरण्यनिर्णिगुपरा न ऋष्टिः

गुहा चरन्ती मनुषो न योषा सभावती विदुथ्येव सं वाक्

॥ 3 ॥

परा शुभ्रा अयासो यव्या साधारण्येव मरुतो मिमिक्षुः

न रोदसी अप नुदन्त घोरा जुषन्त वृधं सुख्याय देवाः

॥ 4 ॥

जोषद्यदीमसुर्या सचध्वै विषितस्तुका रोदसी नृमणाः

आ सूर्येव विधुतो रथं गात्वेषप्रतीका नभसो नेत्या

॥ 5 ॥

आस्थापयन्त युवति युवानः शुभे निर्मिश्लां विदथेषु पत्राम्

अर्को यद्वो मरुतो हविष्मान्गार्यद्वाथं सुतसोमो दुवस्यन्

॥ 6 ॥

प्र तं विवक्मि वक्म्यो य एषां मरुतां महिमा सत्यो अस्ति

सचा यदीं वृषमणा अहंयुः स्थिरा चिञ्जनीर्वहते सुभागाः

॥ 7 ॥

पान्ति मित्रावरुणाववृद्याञ्चयत ईमर्यमो अप्रशस्तान्

उत च्यवन्ते अच्युता ध्रुवाणि वावृध ईं मरुतो दातिवारः

॥ 8 ॥

नही नु वो मरुतो अन्त्यस्मे आरात्ताञ्चिच्छवसो अन्तमापुः

ते धृष्णुना शर्वसा शूशुवांसोऽर्णो न द्वेषो धृषता परि षुः

॥ 9 ॥

व्यमद्येन्द्रस्य प्रेष्ठा व्यं श्वो वोचेमहि समर्ये

व्यं पुरा महि च नो अनु द्यून्तन्न ऋभुक्षा नरामनु ष्यात्

॥ 10 ॥

एष वः स्तोमो मरुत इयं गीर्मान्दार्यस्य मान्यस्य कारोः

एषा यासीष्ट तन्वे वयां विद्यामेषं वृजनं जीरदानुम्

॥ 11 ॥

(10)

168

(म.1, अनु.23)

ऋषिः अगस्त्यः मैत्रावरुणिः

छन्दः जगती 1-7 त्रिष्टुप् 8-10

देवता मरुतः

यज्ञार्यज्ञा वः समना तुतुर्वणिर्धियं धियं वो देव्या उ दधिध्वे

आ वोऽर्वाचः सुविताय रोदस्योर्महे ववृत्यामवसे सुवृक्तिभिः

॥ 1 ॥

वव्रासो न ये स्वजाः स्वतवस् इषं स्वरभिजायन्त धूतयः

सहस्रियासो अ॒पां नोर्म॑य आ॒सा गावो॑ व॒न्द्यासो॑ नोक्षणः	॥ 2 ॥
सोमा॑सो न ये सु॒तास्तृ॑प्तांश॒वो हृत्सु॑ पी॒तासो॑ दु॒वसो॑ नास॒ते	
एषा॑मंसेषु र॒म्भिणी॑व रार॒भे ह॒स्तेषु॑ ख्वादिश्च॑ कृ॒तिश्च॑ सं द॒धे	॥ 3 ॥
अव॑ स्व॒युक्ता॑ दि॒व आ वृ॑था॒ ययु॑रम॒र्त्याः क॑श॒या चोद॑त् त्मना॑	
अ॒रेण॑वस्तुविजा॒ता अ॑चुच्यवु॒र्द्वहानि॑ चिन्म॒रुतो॑ भ्राज॒दृष्टयः॑	॥ 4 ॥
को वोऽन्त॑र्म॒रुत ऋ॒ष्टिवि॑द्युतो॒ रेज॑ति॒ त्मना॑ ह॒न्वेव॑ जि॒ह्वया॑	
ध॒न्व॒च्युत॑ इ॒षां न याम॑नि पुरु॒प्रेषा॑ अ॒हन्यो॑र् नैत॑शः	॥ 5 ॥
क्व॑ स्वि॒दस्य॑ रज॒सो म॒हस्परं॑ क्वावरं॑ मरु॒तो यस्मि॑न्नाय॒य	
य॒द्भ्याव॑यथ वि॒धुरेव॑ सं॒हितं॑ व्य॒द्रिणा॑ पतथ त्वेष॒मर्ण॑वम्	॥ 6 ॥
सा॒तिर्न वोऽम॑वती स्व॒र्वती॑ त्वेषा॒ विपा॑का मरु॒तः पिपि॑ष्वती	
भ॒द्रा वो॑ रा॒तिः पृ॑ण॒तो न द॑क्षिणा पृथु॒जयी॑ असु॒र्येव॑ ज॒ञ्जती॑	॥ 7 ॥
प्रति॑ षोभन्ति॒ सिन्ध॑वः प॒विभ्यो॑ यद॒भ्रियां॑ वाच॒मुदी॑रयन्ति	
अव॑ स्मयन्त वि॒द्युतः॑ पृथि॒व्यां यदी॑ घृ॒तं म॒रुतः॑ प्रुष्णुवन्ति	॥ 8 ॥
असू॑त् पृ॒श्निर्म॑हते रणा॒य त्वेष॑म॒यासां॑ म॒रुता॑मनी॒कम्	
ते स॑प्स॒रासो॑ऽजनय॒न्ताभ्व॑मादि॒त्स्व॒धामि॑षिरां॒ पर्य॑पश्यन्	॥ 9 ॥
एष॑ वः स्तोमो॑ मरु॒त इ॒यं गी॑मा॒न्दार्य॑स्य॒ मान्य॑स्य॒ कारोः॑	
एषा॑ या॒सीष्ट॑ त॒न्वे व॒यां वि॒द्यामे॑षं वृ॒जनं॑ जी॒रदानु॑म्	॥ 10 ॥

(8)

169

(म.1, अनु.23)

ऋषिः अगस्त्यः मैत्रावरुणिः	छन्दः त्रिष्टुप् 1,3-8, चतुष्पदा विराट् 2	देवता इन्द्रः
----------------------------	---	---------------

म॒हश्चि॑त्त्वमिन्द्र॒ यत् ए॒तान्म॑हश्चि॒दसि॑ त्यज॒सो वरू॑ता	
स नो॑ वेधो म॒रुतां॑ चि॒कित्वा॑न्सु॒म्ना व॑नुष्व॒ तव॑ हि प्रे॒ष्ठा	॥ 1 ॥
अयु॑ज्रन्त॒ इन्द्र॑ वि॒श्वकृ॑ष्ठीर्वि॒दाना॑सो॒ निषि॑धो॒ मर्त्य॑त्रा	
म॒रुतां॑ पृ॒त्सुति॑र्हास॒माना॑ स्व॒र्मी॒ळह॑स्य प्र॒धन॑स्य सा॒तौ	॥ 2 ॥
अम्य॑क्सा ते॒ इन्द्र॑ ऋ॒ष्टिर॑स्मे स॒नेम्य॑भ्वं॒ मरु॑तो॒ जुन॑न्ति	
अ॒ग्निश्चि॑द्धि॒ष्मात्से॑ शु॒शुक्ना॑नापो न द्वी॒पं द॑धति॒ प्रया॑सि	॥ 3 ॥
त्वं तू॑ न॒ इन्द्र॑ तं र॒यिं दा॑ ओजि॒ष्ठया॑ दक्षि॒णये॑व रा॒तिम्	
स्तु॑तश्च॒ यास्ते॑ च॒कन॑न्त वा॒योः स्त॑नं॒ न म॑ध्वः पी॒पय॑न्त॒ वाजैः॑	॥ 4 ॥
त्वे रा॑य॒ इन्द्र॑ तो॒शत॑माः प्र॒णेता॑रः कस्य॑ चि॒दृता॑योः	
ते षु॑ णो॑ म॒रुतो॑ मृ॒ळय॑न्तु॒ ये स्मा॑ पुरा गा॒तूय॑न्ती॒व दे॒वाः	॥ 5 ॥
प्रति॑ प्र या॒हीन्द्र॑ मी॒ळुषो॑ नृ॒न्महः॑ पा॒र्थिवे॑ स॒दने॑ यतस्व	
अधु॑ यदे॒षां पृ॑थु॒बुधा॑सु॒ एता॑स्ती॒र्थे ना॑र्यः पौ॒स्यानि॑ त॒स्थुः	॥ 6 ॥
प्रति॑ घो॒राणा॑मे॒ताना॑म॒यासां॑ म॒रुतां॑ शृ॒ण्व आ॑य॒तामु॑प॒ब्धिः	

ये मर्त्यं पृतनायन्तमूर्मैर्ऋणावानं न पृतयन्तु सर्गैः ॥ 7 ॥
 त्वं मानेभ्य इन्द्र विश्वजन्या रदा मरुद्भिः शुरुधो गोअग्राः |
 स्तवानेभिः स्तवसे देव देवैर्विद्यामेषं वृजनं जीरदानुम् ॥ 8 ॥

(5) **170** (म.1, अनु.23)

ऋषिः इन्द्रः 1,3-4, अगस्त्यः मैत्रावरुणिः 2,5 छन्दः बृहती 1, अनुष्टुप् 2-4, त्रिष्टुप् 5, देवता इन्द्रः

न नूनमस्ति नो श्वः कस्तद्वैदु यदद्भुतम्। अन्यस्य चित्तमभि संचरेण्यमुताधीतं वि नश्यति ॥ 1 ॥
 किं न इन्द्र जिघांससि भ्रातरौ मरुतस्तव। तेभिः कल्पस्व साधुया मा नः समरणे वधीः ॥ 2 ॥
 किं नो भ्रातरगस्त्य सखा सन्नति मन्यसे । विद्वा हि ते यथा मनोऽस्मभ्यमिन्न दित्ससि ॥ 3 ॥
 अरं कृण्वन्तु वेदिं समग्रिमिन्धतां पुरः । तत्रामृतस्य चेतनं यज्ञं ते तनवावहै ॥ 4 ॥
 त्वमीशिषे वसुपते वसूनां त्वं मित्राणां मित्रपते धेष्टः |
 इन्द्र त्वं मरुद्भिः सं वदस्वाधु प्राशानं ऋतुथा हवीषिं ॥ 5 ॥

(6) **171** (म.1, अनु.23)

ऋषिः अगस्त्यः मैत्रावरुणिः छन्दः त्रिष्टुप् देवता मरुतः 1-2, मरुत्वान् इन्द्रः 3-6

प्रति व एना नमसाहमेमि सूक्तेन भिक्षे सुमतिं तुराणाम् |
 रराणता मरुतो वेद्याभिर्नि हेळो धत्त वि मुचध्वमश्वान् ॥ 1 ॥
 एष वः स्तोमो मरुतो नमस्वान्हृदा तृष्टो मनसा धायि देवाः |
 उपेमा यात् मनसा जुषाणा यूयं हि ष्ठा नमस इद्विधासः ॥ 2 ॥
 स्तुतासो नो मरुतो मृळयन्तुत स्तुतो मघवा शंभविष्टः |
 ऊर्ध्वा नः सन्तु कोम्या वनान्यहानि विश्वा मरुतो जिगीषा ॥ 3 ॥
 अस्मादहं तविषादीषमाण इन्द्राद्भिया मरुतो रेजमानः |
 युष्मभ्यं हव्या निशितान्यासन्तान्यारे चकृमा मृळता नः ॥ 4 ॥
 येन मानासश्चितयन्त उस्मा व्युष्टिषु शवसा शश्वतीनाम् |
 स नो मरुद्भिर्वृषभ श्रवो धा उग्र उग्रेभिः स्थविरः सहोदाः ॥ 5 ॥
 त्वं पाहीन्द्र सहीयसो नृन्भवा मरुद्भिरवयातहेळाः |
 सुप्रकेतेभिः सासहिर्दधानो विद्यामेषं वृजनं जीरदानुम् ॥ 6 ॥

(3) **172** (म.1, अनु.23)

ऋषिः अगस्त्यः मैत्रावरुणिः छन्दः गायत्री देवता मरुतः

चित्रो वोऽस्तु यामश्चित्र ऊती सुदानवः | मरुतो अहिभानवः ॥ 1 ॥
 आरे सा वः सुदानवो मरुत ऋञ्जती शरुः | आरे अश्मा यमस्यथ ॥ 2 ॥
 तृणास्कन्दस्यु नु विशः परि वृङ्क सुदानवः | ऊर्ध्वान्नः कर्त जीवसे ॥ 3 ॥

ऋषिः अगस्त्यः मैत्रावरुणिः

छन्दः त्रिष्टुप् 1-3,5-13, विराट्स्थाना 4

देवता इन्द्रः

गायत्सामं नभ्यं यथा वेरर्चाम् तद्वावृधानं स्वर्वत्	
गावो धेनवो बर्हिष्यदब्धा आ यत्सद्धानं दिव्यं विवासान्	॥ 1 ॥
अर्चद्वेषा वृषभिः स्वेदुहव्यैर्मृगो नाश्रो अति यज्जुगुर्यात्	
प्र मन्द्युर्मनां गूर्तं होता भरते मर्यो मिथुना यजत्रः	॥ 2 ॥
नक्षद्भोता परि सद्म मिता यन्भरद्भमा शरदः पृथिव्याः	
क्रन्दुदश्वो नयमानो रुवद्भौरन्तर्दूतो न रोदसी चरुद्वाक्	॥ 3 ॥
ता कर्माषतरास्मै प्र च्यौतानि देवयन्तो भरन्ते	
जुजोषदिन्द्रो दुस्मर्वर्चा नासत्येव सुगम्यो रथेष्ठाः	॥ 4 ॥
तमुं हृहीन्द्रं यो ह सत्वा यः शूरो मघवा यो रथेष्ठाः	
प्रतीचश्चिद्योधीयान्वृषण्वान्ववृषश्चित्तमसो विहन्ता	॥ 5 ॥
प्र यदित्था महिना नृभ्यो अस्त्यरं रोदसी कक्ष्येऽनास्मै	
सं विव्य इन्द्रो वृजनं न भूमा भर्ति स्वधावाँ ओपशामिव द्याम्	॥ 6 ॥
समत्सु त्वा शूर सतामुराणं प्रपथिन्तमं परितंसयध्वै	
सजोषस इन्द्रं मदे क्षोणीः सूरिं चिद्ये अनुमदन्ति वाजैः	॥ 7 ॥
एवा हि ते शं सर्वना समुद्र आपो यत्त आसु मदन्ति देवीः	
विधां ते अनु जोष्या भूद्रौः सूरीश्चिद्यदि धिषा वेषि जनान्	॥ 8 ॥
असाम् यथा सुषुखाय एन स्वभिष्टयो नरां न शंसैः	
असद्यथा न इन्द्रो वन्दनेष्ठास्तुरो न कर्म नयमान उक्था	॥ 9 ॥
विषर्धसो नरां न शंसैरस्माकासदिन्द्रो वज्रहस्तः	
मित्रायुवो न पूर्पतिं सुशिष्टो मध्यायुव उप शिक्वन्ति यज्ञैः	॥ 10 ॥
यज्ञो हि ष्मेन्द्रं कश्चिद्वन्धुहुराणश्चिन्मनसा परियन्	
तीर्थे नाच्छां तातृषाणमोको दीर्घो न सिध्रमा कृणोत्यध्वा	॥ 11 ॥
मो ष ण इन्द्रात्रं पृत्सु देवैरस्ति हि ष्मां ते शुष्मिन्नव्याः	
महश्चिद्यस्य मीळहुषो यव्या हविष्मतो मरुतो वन्दते गीः	॥ 12 ॥
एष स्तोमं इन्द्र तुभ्यमस्मे एतेन गातुं हरिवो विदो नः	
आ नो ववृत्याः सुविताय देव विद्यामेषं वृजनं जीरदानुम्	॥ 13 ॥

ऋषिः अगस्त्यः मैत्रावरुणिः

छन्दः त्रिष्टुप्

देवता इन्द्रः

त्वं राजेन्द्र ये च देवा रक्षा नृन्पाह्यसुर त्वमस्मान्	
त्वं सत्पतिर्मघवा नुस्तरुत्रस्त्वं सत्यो वसवानः सहोदाः	॥ 1 ॥
दनो विश इन्द्र मृध्रवाचः सप्त यत्पुरः शर्म शारदीर्दत्	
ऋणोरपो अनवघारणा यूने वृत्रं पुरुकुत्साय रन्धीः	॥ 2 ॥
अजा वृत इन्द्र शूरपत्नीर्घा च येभिः पुरुहूत नूनम्	
रक्षो अग्रिमशुषं तूर्वयाणं सिंहो न दमे अपांसि वस्तोः	॥ 3 ॥
शेषत्रु त इन्द्र सस्मिन्योनौ प्रशस्तये पवीरवस्य मद्वा	
सृजदर्णास्यव यद्युधा गास्तिष्ठद्धरी धृषता मृष्ट वाजान्	॥ 4 ॥
वह कुत्समिन्द्र यस्मिञ्चाकन्त्स्यूमन्यू ऋज्रा वातस्याश्वा	
प्र सूरश्चक्रं वृहतादभीकेऽभि स्पृधो यासिषद्वज्रबाहुः	॥ 5 ॥
जघन्वाँ इन्द्र मित्रेरुञ्चोदप्रवृद्धो हरिवो अदाशून्	
प्र ये पश्यन्नर्यमणं सचायोस्त्वया शूर्ता वहमाना अपत्यम्	॥ 6 ॥
रपत्कविरिन्द्रार्कसातौ क्षां दासायोपबर्हणीं कः	
करत्तिस्रो मघवा दानुचित्रा नि दुर्योणे कुर्यवाचं मृधि श्रेत्	॥ 7 ॥
सना ता त इन्द्र नव्या आगुः सहो नभोऽविरणाय पूर्वीः	
भिन्त्पुरो न भिदो अदेवीर्नमो वधुरदेवस्य पीयोः	॥ 8 ॥
त्वं धुनिरिन्द्र धुनिमतीर्ऋणोरपः सीरा न स्रवन्तीः	
प्र यत्समुद्रमति शूर पर्षि पारया तूर्वशं यदुं स्वस्ति	॥ 9 ॥
त्वमस्माकमिन्द्र विश्वधं स्या अवृकतमो नरां नृपाता	
स नो विश्वासां स्पृधां सहोदा विद्यामेषं वृजनं जीरदानुम्	॥ 10 ॥

ऋषिः अगस्त्यः मैत्रावरुणिः

छन्दः स्कन्धोग्रीवी बृहती 1, अनुष्टुप् 2-5, त्रिष्टुप् 6

देवता इन्द्रः

मत्स्यपायि ते महः पात्रस्येव हरिवो मत्सुरो मदः । वृषा ते वृष्ण इन्दुर्वाजी सहस्रसातमः॥	1 ॥
आ नस्ते गन्तु मत्सुरो वृषा मदो वरेण्यः । सहावाँ इन्द्र सानुसिः पृतनाषाळमर्त्यः	॥ 2 ॥
त्वं हि शूरः सनिता चोदयो मनुषो रथम् । सहावान्दस्युमव्रतमोषः पात्रं न शोचिषा	॥ 3 ॥
मुषाय सूर्यं कवे चक्रमीशान् ओजसा । वह शुष्णाय वधं कुत्सं वातस्याश्वैः	॥ 4 ॥
शुष्मिन्तमो हि ते मदो द्युम्निन्तम उत क्रतुः । वृत्रघ्ना वरिवोविदा मंसीष्ठा अश्वसातमः	॥ 5 ॥

यथा पूर्वेभ्यो जरितृभ्य इन्द्र मर्यइवापो न तृष्यते बभूथ
तामनु त्वा निविदं जोहवीमि विद्यामेषं वृजनं जीरदानुम् ॥ 6 ॥

(6)

176

(म.1, अनु.23)

ऋषिः अगस्त्यः मैत्रावरुणिः छन्दः अनुष्टुप् 1-5, त्रिष्टुप् 6 देवता इन्द्रः

मत्सि नो वस्यइष्टय इन्द्रमिन्द्रो वृषा विशा । ऋघायमाण इन्वसि शत्रुमन्ति न विन्दसि ॥ 1 ॥
तस्मिन्ना वेशया गिरो य एकश्चर्षणीनाम् । अनु स्वधा यमुष्यते यवं न चर्कषद्वषा ॥ 2 ॥
यस्य विश्वानि हस्तयोः पञ्च क्षितीनां वसु । स्पाशयस्व यो अस्मध्रुग्दिव्येवाशनिर्जहि ॥ 3 ॥
असुन्वन्तं समं जहि दूणाशं यो न ते मर्यः । अस्मभ्यमस्य वेदनं दुद्धि सूरिश्चिदोहते ॥ 4 ॥
आवो यस्य द्विबर्हसोऽर्केषु सानुषगसत् । आजाविन्द्रस्येन्द्रो प्रावो वाजेषु वाजिनम् ॥ 5 ॥
यथा पूर्वेभ्यो जरितृभ्य इन्द्र मर्यइवापो न तृष्यते बभूथ
तामनु त्वा निविदं जोहवीमि विद्यामेषं वृजनं जीरदानुम् ॥ 6 ॥

(5)

177

(म.1, अनु.23)

ऋषिः अगस्त्यः मैत्रावरुणिः छन्दः त्रिष्टुप् देवता इन्द्रः

आ चर्षणिप्रा वृषभो जनानां राजा कृष्टीनां पुरुहूत इन्द्रः ।
स्तुतः श्रवस्यन्नवसोपं मद्रिग्युक्त्वा हरी वृषणा याह्यर्वाङ् ॥ 1 ॥
ये ते वृषणो वृषभास इन्द्र ब्रह्मयुजो वृषरथासो अत्याः ।
ताँ आ तिष्ठ तेभिरा याह्यर्वाङ् हवामहे त्वा सुत इन्द्र सोमे ॥ 2 ॥
आ तिष्ठ रथं वृषणं वृषां ते सुतः सोमः परिषिक्त्वा मधूनि ।
युक्त्वा वृषभ्यां वृषभ क्षितीनां हरिभ्यां याहि प्रवतोपं मद्रिक् ॥ 3 ॥
अयं यज्ञो देवया अयं मियेध इमा ब्रह्माण्ययमिन्द्र सोमः ।
स्तीर्णं बहिरा तु शक्र प्र याहि पिबा निषद्य वि मुचा हरी इह ॥ 4 ॥
ओ सुष्टुत इन्द्र याह्यर्वाङ्पु ब्रह्माणि मान्यस्य कारोः ।
विद्याम् वस्तोरवसा गृणन्तो विद्यामेषं वृजनं जीरदानुम् ॥ 5 ॥

(5)

178

(म.1, अनु.23)

ऋषिः अगस्त्यः मैत्रावरुणिः छन्दः त्रिष्टुप् देवता इन्द्रः

यद्ध स्या तं इन्द्र श्रुष्टिरस्ति यया बभूथ जरितृभ्य ऊती ।
मा नः कामं मह्यन्तमा धृग्विश्वा ते अश्यां पर्याप आयोः ॥ 1 ॥
न घा राजेन्द्र आ दभन्नो या नु स्वसारा कृणवन्त योनौ ।
आर्षिश्चिदस्मै सुतुका अवेष्णामन्न इन्द्रः सुख्या वयश्च ॥ 2 ॥
जेता नृभिरिन्द्रः पृत्सु शूरः श्रोता हवं नाधमानस्य कारोः ।
प्रभर्ता रथं दाशुष उपाक उद्यन्ता गिरो यदि च त्मना भूत् ॥ 3 ॥
एवा नृभिरिन्द्रः सुश्रवस्या प्रखादः पृक्षो अभि मित्रिणो भूत् ।
समर्य इषः स्तवते विवाचि सत्राकरो यजमानस्य शंसः ॥ 4 ॥

त्वया वयं मघवन्निन्द्र शत्रून्भिष्याम महतो मन्यमानान्
त्वं त्राता त्वमु नो वृधे भूर्विद्यामेषं वृजनं जीरदानुम्

|| 5 ||

(6)

179

(म.1, अनु.23)

ऋषिः लोपामुद्रा 1-2, अगस्त्यः मैत्रावरुणिः 3-4, अगस्त्यान्तेवासी 5-6 छन्दः त्रिष्टुप् 1-4,6, बृहती 5
देवता रतिः

पूर्वीरुहं शरदः शश्रमाणा दोषा वस्तोरुषसो जुरयन्तीः

|

मिनाति श्रियं जरिमा तनूनामप्यु नु पत्नीवृषणो जगम्युः

|| 1 ||

ये चिद्धि पूर्वं ऋतसाप् आसन्त्साकं देवेभिरवदन्नृतानि

|

ते चिदवासुर्नह्यन्तमापुः समू नु पत्नीवृषभिर्जगम्युः

|| 2 ||

न मृषा श्रान्तं यदवन्ति देवा विश्वा इत्स्पृधो अभ्यश्रवाव

|

जयावेदत्र शतनीथमाजिं यत्सम्यञ्चा मिथुनावभ्यजाव

|| 3 ||

नदस्य मा रुधतः काम् आगन्त्रित आजातो अमुतः कुतश्चित्

|

लोपामुद्रा वृषणं नी रिणाति धीरमधीरा धयति श्वसन्तम्

|| 4 ||

इमं नु सोममन्तितो हृत्सु पीतमुप ब्रुवे

|

यत्स्रीमार्गश्चकृमा तत्सु मृळतु पुलुकामो हि मर्त्यैः

|| 5 ||

अगस्त्यः खनमानः खनित्रैः प्रजामपत्यं बलमिच्छमानः

|

उभौ वर्णावृषिरुग्रः पुषोष सत्या देवेष्वाशिषो जगाम

|| 6 ||

(10)

180

(म.1, अनु.24)

ऋषिः अगस्त्यः मैत्रावरुणिः छन्दः त्रिष्टुप् देवता अश्विनौ

युवो रजांसि सुयमासो अश्वा रथो यद्वां पर्यणांसि दीयत्

|

हिरण्यया वां पवयः प्रुषायन्मध्वः पिबन्ता उषसः सचेथे

|| 1 ||

युवमत्यस्याव नक्षथो यद्विपत्मनो नर्यस्य प्रयज्योः

|

स्वसा यद्वां विश्वगूर्ती भराति वाजायेद्रे मधुपाविषे च

|| 2 ||

युवं पर्य उस्त्रियायामधत्तं पृक्मामायामव पूर्वं गोः

|

अन्तर्यद्वनिनो वामृतप्सू ह्यारो न शुचिर्यजते हविष्मान्

|| 3 ||

युवं ह धर्मं मधुमन्तमत्रयेऽपो न क्षोदोऽवृणीतमेषे

|

तद्वां नरावश्विना पश्वेऽष्टी रथ्येव चक्रा प्रति यन्ति मध्वः

|| 4 ||

आ वां दानाय ववृतीय दस्रा गोरोहेण तौग्र्यो न जित्रिः

|

अपः क्षोणी संचते माहिना वां जूर्णो वामक्षुरंहसो यजत्रा

|| 5 ||

नि यद्युवेथे नियुतः सुदानू उप स्वधाभिः सृजथः पुरंधिम्

|

प्रेषद्वेषद्वातो न सूरिरा महे ददे सुव्रतो न वाजम्

|| 6 ||

वयं चिद्धि वां जरितारः सत्या विपन्यामहे वि पणिहितावान्

|

अधा चिद्धि ष्माश्विनावनिन्द्रा पाथो हि ष्मा वृषणावन्तिदेवम्

|| 7 ||

युवां चिद्धि ष्माश्विनावनु द्यून्विरुद्रस्य प्रस्रवणस्य सातौ

|

अगस्त्यो नरां नृषु प्रशस्तः काराधुनीव चितयत्सहस्रैः	॥ 8 ॥
प्र यद्वहैथे महिना रथस्य प्र स्यन्द्रा याथो मनुषो न होता	
धत्तं सूरिभ्य उत वा स्वश्व्यं नासत्या रयिषाचः स्याम	॥ 9 ॥
तं वां रथं वयमद्या हुवेम स्तोमैरश्विना सुविताय नव्यम्	
अरिष्टनेमिं परि द्यामियानं विद्यामेषं वृजनं जीरदानुम्	॥ 10 ॥

(9)

181

(म.1, अनु.24)

ऋषिः अगस्त्यः मैत्रावरुणिः	छन्दः त्रिष्टुप्	देवता अश्विनौ
----------------------------	------------------	---------------

कदु प्रेष्ठाविषां रयीणामध्वर्यन्ता यदुन्निनीथो अपाम्	
अयं वां यज्ञो अकृत प्रशस्तिं वसुधिती अवितारा जनानाम्	॥ 1 ॥
आ वामश्वासः शुचयः पयस्या वातरंहसो दिव्यासो अत्याः	
मनोजुवो वृषणो वीतपृष्ठा एह स्वराजो अश्विना वहन्तु	॥ 2 ॥
आ वां रथोऽवनिर्न प्रवत्वान्तसृप्रवन्धुरः सुविताय गम्याः	
वृष्णः स्थातारा मनसो जवीयानहंपूर्वो यजतो धिष्यया यः	॥ 3 ॥
इहेह जाता समवावशीतामरेपसां तन्वाः नामभिः स्वैः	
जिष्णुर्वाभ्यः सुमखस्य सूरिर्दिवो अन्यः सुभगः पुत्र ऊहे	॥ 4 ॥
प्र वां निचेरुः ककुहो वशां अनु पिशङ्गरूपः सदनानि गम्याः	
हरी अन्यस्य पीपयन्त वाजैर्मश्रा रजांस्यश्विना वि घोषैः	॥ 5 ॥
प्र वां शरद्वान्वृषभो न निष्पाट् पूर्वोरिषश्चरति मध्व इष्णन्	
एवैरन्यस्य पीपयन्त वाजैर्वेषन्तीरुध्वा नद्यो न आगुः	॥ 6 ॥
असर्जि वां स्थविरा वेधसा गीर्बाळहे अश्विना त्रेधा क्षरन्ती	
उपस्तुताववतं नाधमानं यामन्नयामञ्छणुतं हवं मे	॥ 7 ॥
उत स्या वां रुशतो वप्ससो गीस्त्रिर्बर्हिषि सदसि पिन्वते नृन्	
वृषा वां मेघो वृषणा पीपाय गोर्न सेके मनुषो दशस्यन्	॥ 8 ॥
युवां पूषेवाश्विना पुरंधिरग्निमुषां न जरते हविष्मान्	
हुवे यद्वां वरिवस्या गृणानो विद्यामेषं वृजनं जीरदानुम्	॥ 9 ॥

(8)

182

(म.1, अनु.24)

ऋषिः अगस्त्यः मैत्रावरुणिः	छन्दः जगती 1-5,7, त्रिष्टुप् 6,8	देवता अश्विनौ
----------------------------	----------------------------------	---------------

अभूदिदं वयुनमो षु भूषता रथो वृषण्वान्मदता मनीषिणः	
धियंजिन्वा धिष्यया विश्पलावसू दिवो नपाता सुकृते शुचिब्रता	॥ 1 ॥
इन्द्रतमा हि धिष्यया मरुत्तमा दसा दंसिष्ठा रथ्या रथीतमा	
पूर्णं रथं वहेथे मध्व आर्चितं तेन दाश्वांसमुप याथो अश्विना	॥ 2 ॥
किमत्र दसा कृणुथः किमासाथे जनो यः कश्चिदहविर्महीयते	

अतिं क्रमिष्टं जुरतं पुणेरसुं ज्योतिर्विप्राय कृणुतं वचस्यवे	॥ 3 ॥
जम्भयंतमभितो रायंतः शुनो हतं मृधो विदथुस्तान्यश्विना	
वाचंवाचं जरितू र्विनीं कृतमुभा शंसं नासत्यावतं मम	॥ 4 ॥
युवमेतं चक्रथुः सिन्धुषु प्लवमात्मन्वन्तं पक्षिणं तौग्राय कम्	
येन देवत्रा मनसा निरूहथुः सुपत्नी पेतथुः क्षोदसो महः	॥ 5 ॥
अर्वविद्धं तौग्रमप्स्वश्न्तरनारम्भणे तमसि प्रविद्धम्	
चतस्रो नावो जठलस्य जुष्टा उदुश्विभ्यामिषिताः पारयन्ति	॥ 6 ॥
कः स्विद्धक्षो निष्ठितो मध्ये अर्णसो यं तौग्रो नाधितः पर्यषस्वजत्	
पूर्णा मृगस्य पतरोरिवारभ उदश्विना ऊहथुः श्रोमताय कम्	॥ 7 ॥
तद्वानं नरा नासत्यावनुं ष्याद्यद्वां मानास उचथमवोचन्	
अस्मादद्य सदसः सोम्यादा विद्यामेषं वृजनं जीरदानुम्	॥ 8 ॥

(6)

183

(म.1, अनु.24)

ऋषिः अगस्त्यः मैत्रावरुणिः	छन्दः त्रिष्टुप्	देवता अश्विनौ
----------------------------	------------------	---------------

तं युञ्जाथां मनसो यो जवीयान् त्रिवन्धुरो वृषणा यस्त्रिचक्रः	
येनोपयाथः सुकृतो दुरोणं त्रिधातुना पतथो विर्न पूर्णैः	॥ 1 ॥
सुवृद्रथो वर्तते यन्नभि क्षां यत्तिष्ठथुः क्रतुमन्तानुं पृक्षे	
वपुर्वपुष्या संचतामियं गीर्दिवो दुहित्रोषसा सचेथे	॥ 2 ॥
आ तिष्ठतं सुवृतं यो रथो वामनुं व्रतानि वर्तते हविष्मान्	
येनं नरा नासत्येष्यध्यै वर्तिर्याथस्तनयाय त्मने च	॥ 3 ॥
मा वां वृको मा वृकीरा दधर्षीन्मा परिं वर्क्तमुत मातिं धक्तम्	
अयं वां भागो निहित इयं गीर्दस्त्राविमे वां निधयो मधूनाम्	॥ 4 ॥
युवां गोतमः पुरुमीळ्हो अत्रिर्दस्त्रा हवतेऽवसे हविष्मान्	
दिशं न दिष्टामृजूयेव यन्ता मे हवं नासत्योप यातम्	॥ 5 ॥
अतारिष्म तमसस्पारमस्य प्रतिं वां स्तोमो अश्विनावधायि	
एह यातं पृथिभिर्देवयानैर्विद्यामेषं वृजनं जीरदानुम्	॥ 6 ॥

। इति द्वितीयाष्टके चतुर्थोऽध्यायः समाप्तः ।